



**Gaffel am Dom**  
KÖLSCHES BRAU- UND WIRTSHAUS

V4

# *Kölsches Mitsingkonzert* mit Björn Heuser

JEDEN FREITAG  
AB 22.30 UHR LIVE

**EINTRITT FREI**

**15 Jahre**  
BJÖRN HEUSER IM



**Gaffel am Dom**  
KÖLSCHES BRAU- UND WIRTSHAUS

**BESONDERS. KÖLSCH.**

„Kölsch ist ein Gefühl,  
das man trinken kann.“

Francesco Savina, Köbes



BESONDERS. KÖLSCH.

## *Inhalt*

|          |                     |
|----------|---------------------|
| 01 ..... | Loss mer singe      |
| 02 ..... | Jet Neues           |
| 03 ..... | Drink doch eine met |
| 04 ..... | Et kölsche Jeföhl   |
| 05 ..... | Jedäuf met 4711     |
| 06 ..... | Mir levve jetz      |
| 07 ..... | Kölle singt         |
| 08 ..... | Us kölschem Holz    |
| 09 ..... | Jraaduss            |
| 10 ..... | En unserem Veedel   |
| 11 ..... | Heimweh nach Köln   |

# Loss mer singe

De Familich  
Musik & Text: Wolfgang Anton  
© 2008 by Dabbelju Musikverlag

Jetzt simmer all widder he  
wie schnell su e Johr doch verjeiht.  
Ob vun noh oder fään,  
jede trick et he hin,  
öm widder met dobei zo sin.

**Et es doch immer widder schön,  
wemmer all zosamme sin,  
un mer singe all die Leeder,  
die mer vun Kindheit ahn schon kennt.  
Esu e wunderschön Jeföhl  
kritt mer he schnell, wemmer't nur well,  
un mer singe all die Leeder  
vun däm ahle Mann,  
jo un och dat vum Veedel.**

Es die Luff en d'r Kneip äch zom Schnigge,  
dann kritt mer dat Jeföhl, wat mer bruch,  
et jitt kein Stadt op d'r Ääd,  
wo et bekloppter zo jeiht,  
Kölle jeiht uns unger de Hugg.

**Et es doch immer widder schön...**

Ich stonn op die Sproch un die Minsche,  
ich stonn op die Aat, wie mer laach,  
ich stonn op dā Wetz, dā et söns nirjends jitt,  
ich stonn op die echt kölsche Aat.

**Et es doch immer widder schön... (2x)**



# Jet Neues

Musik & Text: Björn Heuser  
Verlag: HEUSERMUSIK & GMO Publishing

Lang nit mieh jesin, Mann,  
lang nix mieh jehot,  
usser dām wat mer immer su höt,  
hey, ich hoff dir jeiht et jot.

Drieh de Anlaach ruhig op Anschlaach,  
jevv dingem Nohber eine us,  
ich wullt nur koot Revier markiere,  
denn söns halt ich et nit us.

**Jetzt ben ich do do do do do,  
wor eijentlich nie wirklich fott,  
Noh all dā Johr Johr Johr Johr Johr,  
dofür danke ich dir, leever Jott.  
Han jesunge un jelaach,  
su manche Naach zom Daach jemät,  
jetz meld ich mich zoröck, weil et jet Neues  
zo verzälle jitt.**

Su vill Storys, su vill Minsche,  
Saache, die et jar nit jitt.  
E paar vun denne bruch ech keiner,  
mer muss oppasse, dat mer nie su weed.



Zu hören auf dem Album  
"Himmel övver Kölle"  
Überall im Handel auf CD, sowie digital  
auf allen Download- & Streamingportalen!

## Drink doch eine met

Bläck Fööss

Musik & Text: Fred Hoock. © Copyright 1971 und 1978

De Bläck Fööss Musikverlag.

Abdruck des Liedtextes erfolgt mit freundlicher Genehmigung.

Ne ahle Mann steit vür d'r Weetschaftsdüür,  
Der su jän ens einen drinken dät.  
Doch hä hät vill ze winnich Jeld,  
Su lang hä och zält.

En d'r Weetschaff es die Stimmung groß,  
Ävver keiner süht dä ahle Mann.  
Doch do kütt einer met enem Bier  
Un sprich en einfach an:

**Drink doch eine met, stell dich nit esu aan!**  
**Du steis he de ganze Zick eröm.**  
**Häs de och kei Jeld, dat es ganz ejal.**  
**Drink doch met un kümmer dich nit dröm.**

Su mancher sitz vielleicht allein zo Hus,  
Dä su jän ens widder laachen dät.  
Janz heimlich, do waat hä nur do drop,  
Dat einer zu im sät:

**Drink doch eine met, stell dich nit esu aan!...**

3

## Et kölsche Jeföhl

Björn Heuser

Musik & Text: Björn Heuser

© Dabbelju Musikverlag

Et es Friedaachovend, die Woch es vorbei,  
Un all sinn se do en d'r eetste Reih.  
Et Leech jeiht us un d'r Scheinwerfer ahn,  
Dann weed jesunge met nem Gaffel en d'r  
Hand!

**Op ne schöne Ovend, ,ne schöne Zick,**  
**Met üch ze singe, dat es Jlöck.**  
**Wat morje kütt es hüek noch ganz wick weg.**  
**Op ne schöne Ovend, `ne schöne Zick,**  
**un jeder vun üch es e ganz klei Stöck**  
**vum kölsche Jeföhl, dat en uns steck!**

Dä Lade es voll, de Schieve beschlare,  
Direk he am Dom, wo et kölsche Hätz schläät.  
Ov ärm oder rich, ov Junge ov Ahle,  
Zesamme singe määt et Levve levvenswäät!

**Op ne schöne Ovend, `ne schöne Zick...**  
**Nanana...vum**

4

# Jedäuf met 4711

Klüngelköpp  
Musik & Text: Frank Binnering, Björn Heuser  
Robert Kowalak, Frank Reudenbach  
© Dabbelju Musikverlag / Bosworth Music

**Mir sin jedäuf met 4711,  
mir han mit Sorje nix am Hoot,  
mir sin jedäuf met 4711,  
dröm jeiht et uns joot!  
Lalala, Jalalala, lalalalalalalaaaaa ...**

Minsche kumme op de Welt,  
ejal wo du jrad bes,  
doch et jitt en Stadt,  
wo dat jet ganz besondres es.  
Kaum es de Nabelschnur jetrennt,  
dann bes de infiziert,  
un häs d'r Dom op ding Siel tätowiert.  
Mer bruche keine Zaubetrunk, su wie Asterix  
Nä, mir han e Jeheimrezept,  
Jung, wat sääs de jetzt?

**Mir sin jedäuf met 4711...  
Lalala, Jalalala, lalalalalalalaaaaa ...**

Fährs do ens en de Welt erus,  
dann kannste sicher sinn,  
Ejal wohin et jeiht,  
du triffs ne Kölsche vum Rhing,  
Uns Eijenaat, die merkste schnell,  
jet ganz besondres es,  
Levve un levve looße, es bei uns Gesetz!  
Mer bruche keine Zaubetrunk, su wie Asterix,  
Nä, mir han e Jeheimrezept,  
Jung, wat sääs de jetzt?

**Mir sin jedäuf met 4711...  
Lalala, Jalalala, lalalalalalalaaaaa ...  
Mir sin jedäuf met 4711...**

5

# Mir levve jetz

Musik & Text: Björn Heuser  
Verlag: HEUSERMUSIK, GMO Publishing

Weiß do, dat ich manchmol opstonn,  
un mich froge, wie sull't wiggerjonn,  
weiß do, dat ich Fähler maache,  
doch ich bliev mer treu,  
nix weed besser, wenn mer et bereut!

**Denn alles hätt sing Zick,  
lääv för der Augebleck,  
huh die Jläser, Hand op et Hätz,  
mir levve nit jestern, nit morje, mir levve JETZ!**

Ich weiß, dat nit alles Jold es,  
wat huh zom Himmel jlänz.  
Ich weiß, dat keiner et Schuld es,  
wenn mer im Kreis nur rennt,  
un keine Uswääsch fingt.

**Denn alles hätt sing Zick...**

Un wenn der Herrjott dich han will,  
dann saach: jung, ich zeich dir ming Welt,  
treck nur einmol met mir öm de Hüüser,  
un do weiß wat mich he hält,  
wat mir em Himmel fählt!

**Denn alles hätt sing Zick...**



Zu hören auf dem Album  
"Himmel övver Kölle"  
Überall im Handel auf CD, sowie digital  
auf allen Download- & Streamingportalen!

6

## Kölle singt

Text: Björn Heuser, Lukas Wachten / Musik: Björn Heuser, Christian Kock  
Verlag: HEUSERMUSIK, GMO

7

**Un ejal wat kumme weed,  
wat die Zokunf uns och bringt:  
Mir stonn zesamme, wenn Kölle singt!**

Dä Klein singt jede Morje vum Trömmelche - dat jeiht.  
Un am Grav vun dr Mamm sings do leis dat ahle Leed.  
Un beim Heimwieh noh Kölle kritt dä Opa widder Ping,  
dat wor etz eetzte wat hä sung nohm Kreech,  
als hä dä Dom widder jesinn.

**Un ejal wat kumme weed...**

Denn uns Leeder sin wie Medizin  
Se maache fruh, se maache stolz, wirke Wunder av un zo,  
se ömärke dich, föhls do dich ganz allein.

## Us kölschem Holz

Musik & Text: Björn Heuser, Frank Reudenbach, Robert Kowalak, Frank Binner  
Verlag: Rhingtön Edition, HEUSERMUSIK

8

Mer wesse wat mer welle,  
un miehstens mach´mer unser Ding.  
Mer dun och jään verzälle,  
am leevste övver Kölle am Rhing.

Mir stonn nit jän allein an d´r Thek, dat es uns ze blödd,  
mir schwade jede ahn – denn mir sin ganz noh dran!

**Mir sin us kölschem Holz,  
mir sin övverall dobei,  
un dodrop sin mer stolz – ohohoh!  
Mir sin us kölschem Holz,  
mir sin övverall dobei,  
un dodrop sin mer stolz – ohohoh!**

Mir stonn nit jän allein an d´r Thek, dat es uns ze blödd,  
mir schwade jede ahn – denn mir sin ganz noh dran!



**... jetzt zu Hause mitsingen mit  
der neuen Live-LP aus der  
LanxessArena bei "Kölle singt"!**

**BJÖRN HEUSER  
ARENA LIVE**

CD im Digipack mit 11 Titeln.

Überall im Handel, auf  
heuserhut.de und digital auf allen  
Plattformen erhältlich.

## Jraaduss

9

BAP

Musik: Klaus Heuser, Text: Wolfgang Niedecken.

© Copyright 1981 by Musikverlage Hans Gerig KG.

Abdruck des Liedtextes erfolgt mit freundlicher Genehmigung.

Manchmol setz ich he röm un ich froch mich, woröm  
Et su kumme moht, wie et kom, wie et jetzt ess,  
Un ich saach mer, dat et irjendwo wiggerjonn muss – jraaduss.  
Noch hängk dieh Bild ahn der Wand un määät mich rejelrääch  
krank,  
Ich hann ding Stemm noch em Uhr un ich frore mich nur,  
Ob dat alles nix woehr en dä letzte paar Johr – met dir.

**Bliev do, wo de bess, halt dich irjendwo fess  
Un bliev su, wie de woehrs - Jraaduss.**

Aff un zo merk ich dann, wie joot et dunn kann,  
Wemmer Luffschlösser baut un op Zofäll vertraut,  
Jar nix mieh plant, op jar nix mieh waat – nur su.  
Dann weed alles verdrängk, weil sons nix mieh jet bringk,  
Weil sons Himmelblau Jrau weed un mir alles zovill weed,  
Weil en jedem Jedanke e' Bild vun dir steck – jangk weg.

**Bliev do, wo de bess...**

Et woehr schön, et woehr joot, ahm Engk e' bessje ze koot,  
Dausendunein Naach, wo Donner un Bletz kraach,  
'Ne Film ohne Schluss, wo nix ess, wie et muss – jraaduss.  
Denk ens aff un zo draan, ahn dat, wat mer noch hann,  
Wat uns keiner mieh nemmp, weil et woehr ess un stemmp:  
Dat Stöck „Ich“ vun dir un dat Stöck „Do“ vun mir – jraaduss.

**Bliev do, wo de bess...**

## En unserem Veedel

10

Bläck Fööss

Musik & Text: Hartmut Priess, Thomas Engel, Ernst Stoklosa,

Peter Schütten, Günter Lückerath, Dieter Jaenisch.

© Copyright 1978 by De Bläck Fööss Musikverlag.

Abdruck des Liedtextes erfolgt mit freundlicher Genehmigung.

Wie sull dat nur wiggerjon? Wat bliev dann hüek noch ston?  
Die Hüsjer un Jasse, die Stündcher beim Klaafe, es dat vorbei?

En d'r Weetschaff op d'r Eck ston die Männer an d'r Thek.  
Die Fraulückcher setze beim Schwätzje zesamme, es dat vorbei?

**Wat och passeet, dat Eine es doch klor:  
Et Schönste, wat mer han schon all die lange Johr es unser Veedel,  
Denn he hält mer zesamme, ejal wat och passeet.  
En unserem Veedel.**

Uns Pänz, die spille nit em Jras, un fällt ens einer op de Nas,  
Die Bühle un Schramme, die fleck mer zesamme, dann es et vorbei.

**Wat och passeet, dat Eine es doch klor:  
Et Schönste, wat mer han schon all die lange Johr es unser Veedel,  
Denn he hält mer zesamme, ejal wat och passeet.  
En unserem Veedel.**

Dat es doch klor, mer blieve wo mer sinn, schon all die lange Johr...



# Heimweh nach Köln

Willi Ostermann

Musik & Text: Willi Ostermann, © 1936

En Köln am Rhing ben ich jebore,  
ich han un dat litt mir em Sinn.  
Ming Muttersproch noch nit verlore,  
dat es jet, wo ich stolz drop ben.

Wenn ich su an ming Heimat denke,  
un sin dr' Dom su vür mir ston,  
mööch ich direk op Heimat schwenke,  
ich mööch ze Foß no Kölle jon.  
ich mööch direk op Heimat schwenke,  
ich mööch zo Foß no Kölle jon.

11

Alle Tourdaten auf [heuser-koeln.de](http://heuser-koeln.de)  
Alle Alben und Merch auf [heuserhut.de](http://heuserhut.de)

**Kontaktadresse:**  
**Büro Björn Heuser**  
**Rochusstraße 60**  
**50827 Köln**  
**[kontakt@heuser-koeln.de](mailto:kontakt@heuser-koeln.de)**  
**Tel.: 0221-27848285**



Foto: Vera Dreweke

## Singe un Spille

111 Kölsche Mitsinghits  
mit allen Texten, Akkorden  
und ein Hörbeispiel in einer  
Lagerfeuerversion

Eine Zusammenstellung von 111  
Kölschen Mitsinghits, die auf keiner  
Party, an keinem Lagerfeuer und in  
keiner Kölsch-Runde fehlen dürfen!  
Von älteren Evergreens bis zu nagel-  
neuen Hits ist alles dabei, was man  
braucht, um das berühmte „Kölsche  
Jeföhl“ musikalisch in die Welt zu  
bringen.

Hörproben von allen Liedern sind in  
einer Lagerfeuerversion - mit einer  
Gitarre und Gesang - dabei, einge-  
spielt von den Kölner Musikern  
Björn Heuser oder FM Willitzil.  
Die Videoclips enthalten zusätzliche  
Praxistipps zur Spielweise, Akkord-  
varianten und Anschlagsmustern.  
Per QR-Code gelangt man schnell zu  
jedem Videoclip.

ISBN 978-3-87252-385-3,  
DIN A5, 136 Seiten, Spiralbindung,  
inkl. 111 Videoclips mit Hörproben,  
eingelegte Akkordtabelle (OHNE Noten)

29.95 EUR







Alle aktuellen Termine,  
Veranstaltungstipps  
und Events finden Sie auf  
[www.gaffelamdom.de](http://www.gaffelamdom.de)

HTM

BESONDERS. KÖLSCH.

Folgen Sie der Privatbrauerei Gaffel  
auch in den sozialen Netzwerken.



Kölsches Brau- und Wirtshaus

**Gaffel am Dom**

Bahnhofsvorplatz 1, 50667 Köln

Telefon: 0221-913 926-0, [info@gaffelamdom.de](mailto:info@gaffelamdom.de) | [gaffelamdom.de](http://gaffelamdom.de)

**Privatbrauerei Gaffel Becker & Co. OHG**

Welserstr. 16, 51149 Köln, T: 0221-160 06-0, [info@gaffel.de](mailto:info@gaffel.de) | [gaffel.de](http://gaffel.de)